



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აშულური სიმღერები

აშულური სიმღერები, აღმოსავლური მუსიკალური კულტურის ერთ-ერთი მნიშვნელოვანი ნაკადი. ემყარება ხალხ. მუსიკასა და პოეზიას. მისთვის დამახასიათებელია განვითარებული ვოკალურ-საკრავიერი ჟანრები – დასთან, ბაიათი, მუხამბაზი და სხვ. გამოირჩევა ფართოდ განვითარებული მელოდიით, უხვი მელიზმატიკით, ემოციურობით.

საქართველოში, განსაკუთრებით თბილისში, ა. ს. ფართოდ გავრცელდა XVIII ს. II ნახევრიდან. აქ დროთა განმავლობაში ა. ს-ის თემატიკა იხვეწებოდა, იძენდა ეროვნულ იერს. საქართვე. სხვადასხვა კუთხიდან გამოსული მომღერლები აშულური მანერით ასრულებდნენ ქართ. ხალხ. ჰანგებს, რ-ებიც სხვა სიმღერებთან ერთად ამდიდრებდნენ ე. წ. ქართ. ქალაქურ მუს. ფოლკლორს. ბევრ ქართ. აშულურ სიმღერაში შერბილდა შესრულების აღმოსავლური იერი, ზოგი კი ქართ. ხალხ. მუსიკისათვის დამახასიათებელ სამხმიან სიმღერად გადამუშავდა და მნიშვნელოვანი ადგილი დაიმკვიდრა როგორც ხალხ., ისე პროფ. მუსიკის საგანძურში.

გ. ჩხიკვაძე
